

02 SEP 1996

PERUTUSAN AGON KEPADA PRESIDEN-PRESIDEN KYRGYZTAN DAN UZBEKISTAN

KUALA LUMPUR, 2 Sept (Bernama) -- The Yang di-Pertuan Agong Tuanku Ja'afar hari ini mengirim perutusan tahniah kepada Presiden Askar Akaev dari Republik Kyrgyz dan Presiden Islam Karimov dari Republik Uzbekistan sempena dengan Hari Kemerdekaan kedua-dua negara itu.

Satu kenyataan dari Wisma Putra memberitahu baginda berharap rakyat Kyrgyz akan terus menikmati keamanan dan kemakmuran di bawah kepimpinan sekarang.

Baginda juga berharap rakyat Republik Uzbekistan akan terus mencapai kemajuan di tahun-tahun akan datang.

Perdana Menteri Datuk Seri Dr Mahathir Mohamad mengirim perutusan yang sama kepada rakan-rakan sejawatannya, Apas Jumagulov dari Kyrgyztan dan Sultanov Utkur dari Uzbekistan.

Sementara itu, Menteri Luar Datuk Abdullah Haji Ahmad Badawi turut mengirim perutusan tahniah juga kepada rakan-rakan sejawatannya dari Republik Kyrgyz Otunbasva Roza dan Kamilov Abdul Aziz dari Uzbekistan. --
BERNAMA

WNZ WAT